

D430

U B824 DEB
MERDEKA-JAMUAN

PULAU PINANG, 31 OGOS (BERNAMA) -- HOTEL FERRINGGHI BEACH DAN HOTEL RASA SAYANG, KEDUA-DUANYA DI BATU FERINGGHI DI SINI HARI INI DIUMUMKAN SEBAGAI PEMENANG PERTAMA DAN KEDUA PERTANDINGAN HIASAN BANGUNAN NEGERI INI SEMPENA SAMBUTAN HARI KEBANGSAAN BAGI KATEGORI HOTEL.

SHANGRI-LA INN DI JALAN MAGAZINE MEMENANGI TEMPAT KETIGA BAGI KATEGORI YANG SAMA.

BAGI KATEGORI BANK PULA, ABN BANK DI LEBUH PANTAI MEMENANGI TEMPAT PERTAMA, DIKUTI OLEH MALAYAN BANKING BHD, LEBUH UNION DAN KETIGA HONG KONG AND SHANGHAI BANK, LEBUH PANTAI.

HADIAH-HADIAH DISAMPAIKAN OLEH YANG DI-PERTUA NEGERI TUN DR HAJI AWANG HASSAN DI MAJLIS JAMUAN TEH SEMPENA SAMBUTAN HARI KEBANGSAAN DI KEDIAMANNYA PETANG INI.

KETUA MENTERI DR LIM CHONG EU DAN PARA ANGGOTA EXCO KERAJAAN NEGERI IALAH ANTARA LEBIH 1,000 JEMPUTAN YANG HADIR. - BERNAMA.
2056MST 31 08 87

D431

U B826 DEB
MAHATHIR - SEPAK RAGA

KUALA LUMPUR, 31 OGOS (BERNAMA) -- PERDANA MENTERI DATUK SERI DR MAHATHIR MOHAMAD BERHARAP PERMAINAN SEPAK RAGA BULATAN AKAN BERKEMBANG MAJU DAN DAPAT MENARIK MINAT GENERASI MUDA.

BELIAU BERKATA ADALAH LEBIH BAIK BAGI ANAK-ANAK MUDA BERMAIN SEPAK RAGA BULATAN UNTUK MENGISI MASA LAPANG PADA WAKTU PETANG DARIPADA BERSIAR-SIAR MENUNGGANG MOTOSIKAL.

BELIAU BERKATA DEMIKIAN KETIKA BERUCAP SEBELUM MENYAMPAIKAN CENDERAMATA KEPADA PARA PESERTA DAN PEMENANG PERTANDINGAN SEPAK RAGA PIALA MERDEKA 1987 DI GELANGGANG PUSAT KARYANEKA DI SINI HARI INI.

DATUK SERI DR MAHATHIR BERKATA PENAMPILAN LEBIH BANYAK PERMAINAN REKREASI UNTUK ANAK-ANAK MUDA AKAN JUGA MEMBANTU PEMBINAAN PEMIKIRAN DAN FIZIKAL MEREKA DENGAN LEBIH SEMPURNA.

SEJAJAR DENGAN ITU, KATA BELIAU USAHA DAN GALAKAN PERLU DIBERIKAN UNTUK MENINGKATKAN PERKEMBANGAN PERMAINAN SEPAK RAGA BULATAN AGAR IA DAPAT MENARIK MINAT ANAK-ANAK MUDA. - LAGI.
2058MST 31 08 87

D434

U B827 DEB
MAHATHIR - SEPAK RAGA 2 KUALA LUMPUR

BELIAU JUGA MELAHIRKAN RASA BANGGA TERHADAP MINAT PARA PESERTA DALAM PERTANDINGAN ITU SERTA KEMAMPUAN PASUKAN SABAH UNTUK MENGATASI NEGERI-NEGERI LAIN BAGI MUNCUL SEBAGAI JOHAN.

SEBANYAK 14 PASUKAN MENYERTAI PERTANDINGAN ITU YANG BERMULA SEJAK 29 OGOS LEPAS. PASUKAN SABAH MENDAPAT 1,117 MATA MANAKALA PERAK YANG MEMPEROLEHI 939 MATA MENDUDUKI TEMPAT KEDUA DAN KETIGA MELAKA (910 MATA).

SELAIN ITU, PASUKAN PERLIS MENERIMA HADIAH GALAKAN BERUPA WANG TUNAI \$150 SETELAH MUNCUL SEBAGAI PASUKAN BERPAKAIAN TRADISIONAL TERBAIK SEMASA PERTANDINGAN.

YANG TURUT HADIR IALAH ISTERI PERDANA MENTERI, DATUK SERI DATIN PADUKA DR SITI HASMAH ALI, TIMBALAN MENTERI TENAGA, TELEKOM DAN POS ENCIK ABDUL GHANI OTHMAN, TIMBALAN MENTERI PEMBANGUNAN NEGARA DAN LUAR BANDAR DATUK TAJOL ROSLI, TIMBALAN MENTERI PENERANGAN ENCIK RAILEY HAJI JEFFREY DAN SETIAUSAHA PARLIMEN KEMENTERIAN PEMBANGUNAN NEGARA DAN LUAR BANDAR ENCIK MOHAMED BIN JAMRAH. - BERNAMA.
2103MST 31 08 87